

皇明似日玉帛遠來於海島甲兵永沈於邊
陸懿範六官尊母儀而敬仰仁聲四海繼
聖體以光榮弼護益著於忠良藩屏咸膺於
福祿恭頌

一人有慶萬壽無疆陰陽調而風雨時五穀
熟而民人育衛護壤擊再還淳古之風川泳
雲飛咸樂生成之性邦家集慶道化光揚則
上明

天尊大慈之化下副臣等皈命之誠謹啟以
聞

十二頌

存神炁香

香官使者左右龍虎君侍香諸靈官當今臣
向來晚朝陞壇行道之所自然生金液丹碧
芝英百靈衆真交會在此香火鐘前首頌十
方仙童玉女接侍蘭煙傳臣向來所奏之詞
速達徑上

至真無極大道三清上聖昊天至尊金闕玉
皇上帝御前

出堂頌

三

向來

金錄晚朝儀

正一天師清微弟子 洪百堅 製作



道教學術資訊網站



金錄齋懺方儀

廣成先生社 光庭 集 禮四

懺方儀

都儀

伏聞元始開闢五方而安鎮真文演化分
十極以凝光總萬象於神機歸羣功於妙有
保寧邦國乎祐帝王廷大寶於無疆播鴻休
於有截今謹有

皇帝融神道域為想玄津思啟洪樞下資萬
寓護齋金龍玉壁油燭香花法信紋繒供養
之具請拔玄靈敷露真文歸命十方無極太
上靈寶天尊十極天君諸天諸地三光五嶽
一切神仙諸靈官伏冀社稷尊靈宗祧昭穆
遊神太極晏景上清丈八帝於丹陵接五皇
於絳府垂芳萬葉流祀九圍

皇帝繼聖助華紹蹤義輝寰區永奉文軌大
同和玉燭於四時叶珠囊於五緯兆民康樂
百穀滋繁長兼有道之風克暢無為之化得
道之後升入無形與道合真

東方

臣等伏聞句芒律應分淑氣於瑤臺青帝令
行扇和風於玉樹三光煦姬九野氣氣羽載
皆翔麟潛盡曜燁輝六合蠡類昭蘇流既八
宏羣生咸泰謹有

皇帝齋持法信虔設道場披露真文奉修齋
直歸命東方無極太上靈寶天尊九氣天君
東鄉神仙諸靈官伏冀社稷尊靈宗祧先聖
雲升三境質純九清謁羣帝於星關揭列位
於天路

皇帝四皇接軫六帝齊獻澤濟東溟壽隆北
極蒙中海外俱沐玄休有識含生長承道化
兵戈戢息風雨以時五緯順常北人康泰得
道之後升入無形與道合真

南方

臣等伏聞朱陵大帝開月殿而流輝丹霄天
君含目精而散彩御絳霄而演教聖人先得
一之符居赤明以敷經天子啓通三之曆大
弘玄訓作範將來為邦國之津梁實幽明之
舟楫今謹有

皇帝齋持法信虔設道場披露真文奉修齋

直歸命南方無極太上靈寶天尊三氣天君
南鄉神仙諸靈官伏冀社稷尊靈宗祧先聖
五華芝蓋騰神於流火之庭三素雲軒遊觀
於明霞之府

皇帝垂衣化表端拱囊中開象魏而納萬方
固龍圖而寧九有三辰叶度四序調年烽燧
不驚休祥自降俗躋仁壽化洽雍熙幽夜窮
泉飛行蠢動克承明祐咸保物宜得道之後
升入無形與道合真

西方

臣等伏聞鬱察仙官金真校長生之錄淨羅
寶觀玉帝懸度世之科大啓真宗發揮聖緒
弘龜鼎之祚光鳳曆之尊導羣品於靈臺兼
霓廣漢引含生於淨域羽駕太清今謹有

皇帝齋持法信虔設道場披露真文奉修齋
直歸命西方無極太上靈寶天尊七氣天君
西鄉神仙諸靈官伏冀社稷尊靈宗祧先聖
躡金霞而駕景乘玉輅以參真證品天階延
休和業

皇帝岷丘比壽允澤齊貞握三鏡以君臨盡

萬方而撫御五風十雨自叶於農祥奔日光
雲克彰於唐德兵鋒偃戩夏昭蘇乾坤永
清億兆同奉得道之後升入無形與道合真

北方

臣等伏聞鎮嶽標奇據陰方而作固玄丘聳
翠當北陸以居尊生一氣以含元分三才而
會道仰扶天度上保宸居爰司罪福之門以
顯幽明之位今謹有

皇帝齋持法信虔設道場披露真文奉修齋
直歸命北方無極太上靈寶天尊五氣天君
北鄉神仙諸靈官伏冀社稷尊靈宗祧先聖
挹靈津於紫府御瓊鳳於玄洲貽既億千傳
光海嶽

皇帝功包九有聖叶三無廓溟海以流恩並
極星而御衆金芒玉弩永消兵甲之災天象
人文自契升平之運三邊靜肅九稼豐穰動
息飛沈咸承景化得道之後升入無形與道
合真

東北方

臣等伏聞一氣初分天道運而無極三光肇

朕品物形而有倫呈玉相於寅方散金輝於
昆域異朱紉之景命爰福帝圖開絲錯之禎
文以康天步今謹有

皇帝齋持法信虔設道場披露真文奉修齋
直歸命東北方無極太上靈寶天尊梵氣天
君東北鄉神仙諸靈官伏冀杜稷專靈宗桃
列聖飛步於青元之境乘真於碧落之臺潛
播神功允昌休作

皇帝六符應象萬寓宅心睿明伴鳥兔之輝
天壽等乾坤之固外宣文德秀振武威稼穡
有年烽煙罷警凡幽六趣同均浩蕩之恩絕
域窮荒共沐雲雷之澤得道之後升入無形
與道合真

東南方

臣等伏聞石闕端旒儼仙姿於異境銅階蹀
極疑真相於梵宮洪濤浮不夜之庭金霧鎖
長生之嶽三壺列翠九海澄光齋帝道於茲
方順朝宗於百谷今謹有

皇帝齋持法信虔設道場披露真文奉修齋
直歸命東南方無極太上靈寶天尊梵氣天

君東南鄉神仙諸靈官伏冀杜稷專靈宗桃
先聖添鯨津而永薦羽衛參差指龜嶺以長
遊雲程縹緲

皇帝光敷大號遐敷皇風超農燧以揚徽掩
軒融而縱聖三光調理五緯順常俗致和平
人登富壽幽明庶類同洽玄恩得道之後升
入無形與道合真

西南方

臣等伏聞金真撫運朗金鏡於中郊玉聖御
時明玉燭於坤境玄功幽贊保億載之宏圖
至德潛符揚七百之遐祚神休克披景命惟
新今謹有

皇帝齋持法信虔設壇場披露真文奉修齋
直歸命西南方無極太上靈寶天尊梵氣天
君西南鄉神仙諸靈官伏冀杜稷專靈宗桃
昭穆登大明之府出沈默之鄉延嘉既於孫
謀需玄滋於帝室

皇帝高衡比壽日月齊華運乾德以君既配
坤輿而安靜神泉帝籍自表於有年偃筆致
弓永臻於至理羣生遂性萬國又康得道之

後升入無形與道合真

西北方

臣等伏聞金壙千里拱宸極以高居琳闕九
重峙乾郊而作鎮仰三成於崑嶠控六紀於
成鄉乃真靈之所都實帝道之攸則今謹有

皇帝齋持法信龍壁香華披露真文奉修
齋直歸命西北方無極太上靈寶天尊梵氣
天君西北鄉神仙諸靈官伏冀杜稷專靈宗
桃上聖御剡駉於天路肅羽衛於雲衢縱賞
九清傳徽萬葉

皇帝凝旒體道指玄圖以長尊負宸象乾與
珠衡而永正化歸清靜歲叶登鋒鏑不飛
楨祥允集含靈有識咸契真階得道之後升
入無形與道合真

上方

臣等伏聞至通融精惟天為大覆三千而不
宰包五億以高臨垂象無私運行靡息克昌
景化以福帝國今謹有

皇帝齋持法信數列壇場披露真文奉修齋
直歸命上方無極太上靈寶天尊至京玄都

紫微金闕三清三界上聖高尊上鄉神仙諸
靈官伏冀杜稷尊靈崇桃先聖靈光高舉道
邁三境之中鶴馭返升故曠六虛之上
皇帝體元立極以道乘圖邁三五之風猷傳
億千而遠大與儀璘而並耀配九六而承貞
萬寓咸寧兆人康泰兵鋒不試文德允孚凡
曰幽明共升道域得道之後升入無形與道
合真

下方

臣等伏聞厚載之功寔惟坤德廓八紘而有
載生萬類以無私菴浦鵬池旁分國護十山
五嶽遐布威靈弘大寶於中都總羣休於上
國今謹有
皇帝齋持法信虔設道場拔靈真文奉修齋
直歸命下方無極太上靈寶天尊十二仙君
九宮真人無極世界嶽瀆神仙諸靈官伏冀
杜稷尊靈崇桃先聖三三八洞遠奉宸遊丹
霍青丘繼登真格
皇帝克明睿德永御中天運玉斗以撫臨闢
瑤圖而端穆三辰皎潔長環北極之尊九地

浩浩允福南山之壽于戈不作較練惟豐動
植幽明常臻道化得道之後升入無形與道
合真

金籙齋懺方儀



三儀同卷

禮

金籙解壇儀

金籙設醮儀

金籙放生儀

金籙解壇儀

法事如式

各禮師存念如法

請宣神呪

東方

東方九炁 始皇青天 碧霞鬱壘 中有老人
總校圖錄 攝悉舉仙

南方

南方丹天 赤帝玉堂 中有大神 號曰赤皇
上炎流煙 三炁勃先 神仙受命 應會太陽

西方

西方素天 白帝七門 金靈皓映 大華流氛
白石我我 七炁網緼 上有始生 皇老大神
總領肺炁 主校九天 檢定圖錄 制召上仙

北方

北方